

## Takmičenje u razvoju Windows Phone aplikacija

*Takmičenje u razvoju Windows Phone aplikacija traje do 5. aprila 2013. godine, a za najbolje su obezbijeđeni HTC Windows Phone 8X pametni telefoni.*

Ukoliko se bavite razvojem mobilnih aplikacija, sigurno će vas razveseliti početak lokalnog Windows Phone App Challenge takmičenja u razvoju aplikacija za Windows Phone platformu. Cilj takmičenja je stvaranje najbolje aplikacije razvijene za Windows Phone platformu, dok u samom takmičenju mogu učestvovati svi državljani Bosne i Hercegovine, ali isključivo sa aplikacijama koje do sada nisu bile prijavljene na neko drugo takmičenje, odnosno objavljene na Windows Phone Store prije zvaničnog početka takmičenja.

Windows Phone App Challenge je otvoren do **5. aprila 2013. godine**, do kada svi zainteresirani učesnici trebaju razviti odgovarajuću Windows Phone aplikaciju, objaviti na [Windows Phone Store](#) te zajedno sa opisom i linkom na Windows Phone Store app, prijaviti na zvaničnoj stranici takmičenja.

Za razvoj Windows Phone aplikacija se mogu koristiti besplatni razvojni alati u sklopu [Microsoft Visual Studio Express 2012 for Windows Phone](#) paketa, a vrijedi naglasiti i da se sam proces razvoja, testiranja i objavljivanja aplikacija, može izvršiti i bez korištenja Windows Phone pametnih telefona, zahvaljujući integraciji naprednih emulatora. Za potrebe takmičenja prihvaćaju se aplikacije za Windows Phone 7.1, odnosno Windows Phone 8 platformu.

Studenti tehničkih fakulteta mogu iskoristiti prednosti [DreamSpark pretplate](#) te pristupiti komercijalnoj verziji Visual Studio razvojnih alata, odnosno izvršiti besplatnu registraciju na [Windows Phone Dev Center](#), preko kojeg se vrši objava aplikacija.

Ocjenjivane aplikacija vršit će se u periodu od 8. do 15. aprila uz **proglašenje pobjednika planirano za 18. april 2013. godine**. Za potrebe ovog takmičenja, Microsoft je obezbijedio vrijedne nagrade te je dovoljno samo spomenuti da tri prvoplasirane aplikacije, odnosno njihovi autori, osvajaju ekskluzivni [HTC Windows Phone 8X](#) pametni telefon.

Za više informacija Windows Phone App Challenge pravilima i alatima za razvoj aplikacija, pozivamo vas da posjetite zvaničnu [web stranicu takmičenja](#).

## **Linkovi iz saopštenja:**

Windows Phone App Challenge: <http://wpba.promorc.com>

Windows Phone Store: <http://www.windowsphone.com/en-us/store>

DreamSpark: <http://www.dreamspark.com>

Registracija WP Dev Center računa preko DreamSparka:

<http://blogs.msdn.com/b/msdnbih/archive/2012/11/13/kako-pristupiti-dreamspark-resursima.aspx>

Visual Studio Express 2012 for Windows Phone:

<http://www.microsoft.com/visualstudio/eng/products/visual-studio-express-for-windows-phone>

Windows Phone Dev Center: <http://dev.windowsphone.com>

HTC Windows Phone 8X: <http://www.htc.com/www/smartphones/htc-wp-8x/>

## **# NAPOMENA #**

Osnovan 1975., Microsoft (Nasdaq „MSFT“) je svjetski lider u softveru, uslugama i rješenjima koja pomažu ljudima i kompanijama da sagledaju svoj puni potencijal.

### **Microsoft BiH**

Kompanija Microsoft Bosna i Hercegovina osnovana je sredinom 2006. godine. U cjelosti je u vlasništvu Microsoft Corporation, Redmond, WA i posvećena je razvoju bosanskohercegovačkog IT tržišta. Primarna djelatnost Microsoftovog ureda u BiH je razvoj prodajne mreže, uključujući marketing, konsultantske usluge, organizaciju stručne i tehničke podrške. U saradnji s domaćim partnerskim kompanijama, Microsoft posvećuje posebnu pažnju omogućavanju razvoja cjelovitih, pouzdanih i skalabilnih rješenja koja će zadovoljiti specifične poslovne potrebe korisnika u Bosni i Hercegovini.